



**НЕДЕЛЯ 2 ПО ПАСХЕ,
АПОСТОЛА ФОМЫ. АНТИПАСХА.**

Сборник для мужского хора

Редакция и составление Г.Смирнова

Подворье Патриарха Московскаго и Всея Руси,

Храм Живоначальной Троицы в Останкино

Москва, 2017

Вся служба праздника (по Триоди).

Христос воскрес 3-раз допеваем.

НА ГОСПОДИ, ВОЗЗВАХ СТИХИРЫ ТРИОДИ, ГЛАС 1:

1. **Стих:** Изведи из темницы душу мою, // исповедатися имени Твоему.
2. **Стих:** Мене ждут праведницы, // дондеже воздаси мне.

Двѣрем заключѣнным, / учеником собраннѣм, / вшел еси внезапно
всесильне Иисусе Бѣже наш, / и став посреде их / мир дав, исполни еси Святаго Духа: / ждати же повелел еси, / и никакоже разлучатися от Иерусалима, / дондеже облукутся еже с высоты силою. / Темже вопиѣм Тѣ: // просвещение и Воскресение и мире наш, слава Тебе. **Дважды.**

3. **Стих:** Из глубины возвах к Тебе, Господи, // Господи, услыши глас мой.
4. **Стих:** Да будут уши Твои // внимлюще гласу моления моего.

По днѣх осмих востания Твоего Господи, / явился еси учеником Твоим / на месте, идеже бяху собрани, / и возгласив им: мир вам, / неверующему ученику руке показал еси, и пречистое ребро. / Он же веровав вопияше Тебѣ: // Господь мой и Бог мой, слава Тебѣ. **Дважды.**

5. **Стих:** Аще беззакония назиши, Господи, Господи, кто постоит? // Яко у Тебе очищение есть.
6. **Стих:** Имене ради Твоего потерпех Тя, Господи, потерпе душа моя в слово Твое, // упова душа моя на Господа.

Фома, глаголемый Ближец, не бе с ними, / егда вшел еси, Христе, заключенным дверем: / темже и не вероваше реченным ему, / от неверия в веру извествуя. / Не неподобил же еси Блаже, / показати ему пречистое ребро Твое, / и руку и ногу язвы: / он же осязав и виде, / исповеда Тебе быти Бога не нага, / и Человека не проста, и вопияше: // Господь мой и Бог мой, слава Тебе. **Дважды.**

7. **Стих:** От стражи утренния до нощи, от стражи утренния, // да уповае Израиль на Господа.

8. Стих: Яко у Господа милость, и многое у Него избавление, // и Той избавит Израиля от всех беззаконий его.

Учеником сомнящимся, / во осмый день предста Спас, идеже бяху собрани, / и мир дав, Фоме возопи: / прииди апостоле, / осяжи длани, в нихже гвоздия вонзоша. / О доброе неверие Фомино, / верных сердца в познание приведе, // и со страхом возопи: Господь мой и Бог мой, слава Тебе. **Дважды.**

Глас 2:

9. Стих: Хвалите Господа вси языцы, похвалите Его вси людие.

По востании Твоем Гóсподи, / собранным ученикóм Твои́м, / и двéрем заключéнным, / посреде стал еси, мир пода́я им. / Веровав же и Фома зрением руку и ре́бр Твои́х, / Гóспода и Бога Тя испове́да, // спасающаго уповающия на Тя Человеколю́бче.

10. Стих: Яко утвердися милость Его на нас, и истина Господня пребывает во век.

Дверем заключенным, / представ Иисус учеником, / безстрашие и мир даяше, / таже глаголет Фоме: / почто Мне не веруеши, яко воскресох из мертвых? / Принеси семо руку твою, / и вложи в ребра Моя, и виждь. / Тебе бо неверующу, / вси навыкоша страсти и Воскресение Мое звати с тобою: // Господь мой и Бог мой, слава Тебе.

«СЛАВА И НЫНЕ», ГЛАС 6

Дверем заключéнным, / пришел еси Христé ко ученикóм, / тогда Фома смотрительно не обретеса с ними. / Глаго́лаше бо: не иму веры, аще не увижду и аз Влады́ки. / Увижду ребро, отонудуже изыде кровь, вода, крещéние. / Увижду язву, от неяже исцеле великий струп челове́ческий. / Увижду, како не бе, якоже дух, но плоть и кóсти. / Смерть поправый, и Фому увéривый, // Гóсподи сла́ва Тебе́.

Прокимен воскресный: Господь воцарися, в лепоту облечеса.

Сподоби Господи

Сподоби, Гóсподи, в вéчер сéй без греха сохранítися нáм./ Благословén еси, Гóсподи, Боже отец нáших,/ и хвáльно и прославлено имя Твое во вéки. Амíнь.

Бúди, Господи, милость Твоя на нас, якоже упováхом на Тя./ Благословен еси, Гóсподи, научи мя оправдáнием Твоím./ Благословén еси, Влады́ко, вразуми мя оправдáнием Твоím./ Благословен еси, Святы́й, просвети мя оправдании Твоими.

Гóсподи, мíлость Твоя во век, дел руку Твоею не прéзри./ Тебе подобает хвала, Тебе подобает пéние,/ Тебе слава подобает, Отцу и Сыну и Святому Дúху, // ны́не и прíсно и во веки веко́в, амíнь.

НА ЛИТИИ СТИХИРЫ. ГЛАС 4:

Господи, нестерпимым Твоего Божества блистанием,/ дверем пришел еси заключенным сущим,/ и став посреде учеников./ Ребро обнажил еси,/ и язв Твоею руку и ногу струпы являя:/ печаль же и скорбь разрешая, яве возгласил еси:/ имже образом во Мне видите, о друзи,/ плоти приятие, не духа ношу естество./ Сомнящемуся же ученику, повелевал еси осязати трепетно/, рек: испытав вся, гряди, прочее не сумнися./ Он же ощущая рукою Твое сугубое существо,/ со страхом вопияше верно, верою влекомь:// Господь мой и Бог мой, слава Тебе.

Глас 8:

Прикоснися Фома ребру рукою, глаголет Христос, и образы гвоздей прииди осяжи, верою испытай, и буди Ми верен, и не буди неверен. Фома же перстом яко прикоснися Владыще, вельми возопи: Ты Бог мой и Господь, благоутробне слава Тебе.

«Слава, и ныне»: глас 8. Анатолия:

Двéрем заключенным, учеником собраннým,/ предста́ Спас, идеже бяху со́брани/, и ста́в посреде́ их,/ глаго́лет Фоме: прииди́ осяжи́,/ и виждь о́бразы гвозде́й,/ простри руку твою, и косни́ся ребру́ Моему́,/ и не бу́ди неверен:// но верою проповеждь, еже из мертвых Мое Воскресéние.

НА СТИХОВНЕ: СТИХИРЫ ТРИОДИ, ГЛАС IV:

Подобен "О Преславнаго чудесе!"

Напева Оптиной Пустыни

Излож. Г.Смирнова

1

Т.1
Т.П

Бар.
Б.

О пре-слав-на-го чу-де-се! Не-ве-ри-е ве-ру из-
вест-ну-ю ро-ди. Рек бо Фо-ма: а-ще не виж-ду, не и-му
ве-ры. О-сязав же ребра, богословит во-пло-тив-ша-го-ся,
То-го-где Сы-на Бо-жи-я по-зна, я-ко по-стра-дав-ша
пло-ти-ю, про-по-ве-да вос-крес-ша-го Бо-га, и во-зо-пи
свет-лым гла-сом: Гос-подь мой и Бог мой, сла-ва Те-бе.

② Похвали Иерусалиме Господа,

Хва-ли Бо-га тво-е-го Си-о - не. О пре-слав-на-го чу-де -

се! Ог-ню сено коснувшееся спа-се - ся

вло-жив бо Фома во огненная ребра руку Иисуса Хри-ста Бо - га,

не о-па-ли-ся о-ся-за - ни-ем. Ду-ши бо зло-вер-ство

пре-ло-жи на бла-го-ве-ри-е, теп-ле во-зо-пи

от глу-би-ны ду-шев-ны-я: Вла-ды-ка Ты е-си и

Бог мой, из мерт-вых вос-кре-сый, сла-ва Те-бе.

③ Яко укрепил вери врат Твоих,

и бла-го-сло-ви сы-ны Тво-я в Те-бе. О пре-слав-на-го

чу-де-се! И - о - анн на пер-си Сло-ва воз-ле-же,

Фо - ма же реб - ра о - ся - за - ти спо - до - би - ся:

но ов убо отонуду страшно богословия глубокое извлече смо-тре - ни-

е: ов же спо-до-би-ся тай-но-на-у-чи-ти нас.

Пред - ста - вля - ет бо показания ясно востания Е - го, во - пи - я:

Гос - подь мой и Бог мой, сла - ва Те - бе.

НА СТИХОВНЕ: СТИХИРЫ ТРИОДИ, ГЛАС 4: ¹

О пресла́внаго чудесе́!// Неверие веру извѣстную роди́./ Рек бо Фома: аще не вижду, не иму вѣры./ Осязав же ребра, богословит воплотившагося,/ Того́жде Сына Бо́жия позна́,/ я́ко пострадавша плóтию,/ проповеда воскресшаго Бога,/ и возопи светлым гласом:// Господь мой и Бог мой, слава Тебе.

Стих: Похвали Иерусалиме Господа/ хвали Бога твоего Сионе.

О преславнаго чудесе!// Огню сено коснувшееся спасеся/ вложив бо Фома во огненна ребра руку/ Иисуса Христа Бога,/ не опалися осязанием./ Души бо зловерство преложи на благоверие,/ тепле возопи от глубины душевныя:/ Владыка Ты еси и Бог мой,// из мертвых воскресый, слава Тебе.

Стих: Яко укрепи верей врат твоих,/ и благослови сыны твоя в Тебе.

О преславнаго чудесе!// Иоанн на перси Слова возлеже,/ Фома же ребра осязати сподобися:/ но ов убо отонуду страшно/ богословия глубокое извлече смотрение:/ ов же сподобися тайнонаучити нас./ Представляет бо показания ясно/ востания Его, вопия:// Господь мой и Бог мой, слава Тебе.

«Слава и ныне», глас 5:

Человеколю́бче, велие и безприкладное множество щедрóт Твои́х:/ я́ко долготерпел еси, от иудей зауша́емь,/ от апóстола осяза́емь,/ и от отмета́ющихся Тебе многоиспытúемь,/ како воплотился еси́?/ Ка́ко распялся еси безгрéшне?/ Но вразуми ны, яко Фому, вопи́ти Тебé:// Господь мой и Бо́г мо́й, слава Тебé.

¹ Стихиры Пасхи не поются.

ТРОПАРЬ, ГЛАС 7:

Запечáтану грóбу,/ Живот от гроба возсиял еси, Христе
Бóже,/ и двéрем заключénным,/ учеником предстáл
еси,/ всéх Воскресéние,/ дух правый теми обновля́я нам,//
по вели́цей Твоей мýлости. **Трижды.**

Псалом 33:

Благословлю Господа на всякое вре́мя,/ выну хвала Его во
устéх моих./ **О** Господе похвалится душа́ моя,/ да услышат
кротцыи, и возвеселя́тся./ **В**озвеличите Господа со мно́ю,/ и
вознесем Имя Его вку́пе./ **В**зысках Господа, и услы́ша мя,/
и от всех скорбей моих изба́ви мя./ **П**риступите к Нему, и
просветíteся,/ и лица ваша не постыдя́тся./ **С**ей нищий воз-
зва, и Господь услы́ша и,/ и от всех скорбей его спасé и./
Ополчится ангел Господень окрест боя́щихся Его́,/ и из-
ба́вит их./ **В**кусите и видите, яко блага́ Господь:/ блажен
муж, иже упова́ет На́нь./ **Б**ойтесь Господа, вси святíи Его́,/
яко несть лишения боя́щимся Его́./ **Б**огатии обнищаша и
взалка́ша:/ **взыскающие же Го́спода// не лишатся всякаго
блага́.**

Иерей: Благословение Господне на вас, Того благодатию и
человеколюбием, всегда, ныне и присно и во веки веков.

Хор: Аминь.

Христос воскрес: Трижды. [Астафьев: Греко-латино-сла-
вянское].

Шестопсалмие:

НА «БОГ ГОСПОДЬ» ТРОПАРЬ ТРИОДИ, ГЛАС 7:

Запечáтану грóбу,/ Живот от гроба возсиял еси, Христе
Бóже,/ и двéрем заключénным,/ учеником предстáл
 еси,/ всéх Воскресéние,/ дух правый теми обновляя нам, //
 по велицей Твоей мило́сти. **Дважды.**

Сла́ва и ныне. Тойже тропарь.

Величание:

**Велича́ем Тя,/ живода́вче Христé,/ нас ради во ад сше́д-
 шаго/ и с Собóю вся// во́скресíвшаго.**

Псалом избранный:

Господь воцарися, в лепоту облéчешя./ **О**блечешя Господь в силу
 и препоя́сашя./ **И**бо утверди вселéнную, яже не подви́жится./
Кто возглаголет силы Господни, слы́шаны сотворит вся хвалы́
 Его́?/ **Д**а исповедятся Господеви милости Его, и чудеса Его сы-
 новóм челове́ским./ **И** извел еси ны от тмы и сени смéртныя./
Яко сокруши врата мéдная, и вéреи желéзныя сломí./ **И** избави
 я от растлéний их, и úзы их растерза́./ **Я**ко услыша убóгия Гос-
 по́дь./ **И** оковáнныя Своя́ не уничижи́./ **В**оста́ яко спя́ Господь,
 и порази враги́ Своя́./ **Я**ко óчи Господни на упова́ющия на
 мило́сть Его./ **У**слы́шати въздыхáние оковáнных./ **Р**азрешíти
 сыны́ умерщвлéнных./ **Д**а воскреснет Бог, и расточатся врази́
 Его, и да бежа́т от лица́ Его./ **С**ей дéнь, егоже сотвори́ Господь,
 возрадуемся и возвесели́мся вонь./ **В**оскресени́, Го́споди Бо́же
 мой, да вознесéтся рука́ Твоя, не забуди убóгих Твои́х до кон-
 ца́.// **Го́споди Бо́же мой, в век исповéмся Тебе́.**

Степéнна, глас 4: 1 Антифóн: От юности моея́:

Прокíмен, глас четвёртый: Похвали́ Иерусали́ме Го́спода,/ хвали́ Бо́га твоего́ Сиóне.

Воскресéние Христо́во ви́девшее: Трижды.

Канон Антипáсхи, глас 1:**Песнь 1:**

Ирмос: Поим вси людие,/ от горькия работы фараони Израиля
измѣншему,/ и во глубинѣ морстей ногами немокрыми наставль-
шему,// песнь побѣдную: яко прославися. **(Пасхальным напевом).**

Катавасия Пáсхи: Воскресѣния день,/ просветимся, людие./
Пáсха, Господня Пáсха:/ от смѣрти бо к жизни,/ и от земли к не-
бесѣ,/ Христос Бог нас преведе,// побѣдную поющия.

Песнь 3:

Ирмос: Утверди мене Христѣ,/ на недвижимом камени заповедей
Твоих,/ и просвети мя светом лица Твоего:// несть бо свят паче
Тебе, Человеколюбче.

Катавасия: Приидите, пиво пием новое,/ не от камене неплодна
чудодѣемое,/ но нетлѣния источник/ из гроба одождивша Хри-
ста,// в Немже утверждаемся.

Песнь 4:

Ирмос: Вѣлия тайна Твоего, Христѣ, смотрѣния:/ сию бо свѣше
провидя богозрительно Аввакум,/ изшел еси, вопияше Тебе,// во
спасѣние людей Твоих, Человеколюбче.

Катавасия: На Божественней стражи/ богоглаголивый Аввакум/
да стáнет с нами, и покажет/ светоносна Ангела,/ ясно гла-
голюща:/ днесь спасѣние миру,/ яко воскресѣ Христос,// яко все-
силен.

Песнь 5:

Ирмос: От нощи утренююще поем Тя Христѣ,/ Отцу собезна-
чальна, и Спаса душ наших:// мир миру подаждь Человеко-
любче.

Катавасия: Утренюем утреннюю глубокую,/ и вмѣсто мира песнь
принесем Владыце,/ и Христа узрим/ правды Солнце,// всем
жизнь возсияюща.

Песнь 6:

Ирмос: Проро́ка спасл еси́ от кита, Человеколю́бче,/ и мене́ из глубины́ прегреше́ний возведи́, молю́ся

Катава́сия: Снизше́л еси́ в преиспо́дняя земли́,/ и сокруши́л еси́ вереи́ вѣчныя,/ содержа́щая связанна́я, Христе́,/ и тридне́вен, я́ко от кита́ Ио́на, // воскресе́л еси́ от гроба́.

Конда́к Антипа́схи, глас 8:

Любопы́тною десни́цею/ жизнѡпода́тельная Твоя́ ре́бра Фома́ испыта́, Христе́ Бо́же,/ созаклуче́нным бо двере́м я́ко вшел еси́,/ с про́чими апо́столы вопи́яше Тебе́:// Госпо́дь еси́ и Бог мой.

Песнь 7:

Ирмос: Образу служи́ти мусики́йскому согла́сию созыва́ющу лю́ди,/ от пѣсней Сио́нских пою́ще оте́чески о́троцы Дави́довы,/ мучи́телево разори́ша злочести́вое веле́ние,/ и пла́мень в ро́су преложи́ша, песнь воспева́юще:// превозноси́мый отце́в и наш Бо́же, благослове́н еси́.

Катава́сия: Отроки от пе́щи изба́вивый,/ быв Чело́век,/ стра́ждет я́ко сме́ртен,/ и стра́стию сме́ртное,/ в нетле́ния облачи́т благоле́пие,/ Еди́н благослове́н // отце́в Бог, и препросла́влен.

Песнь 8:

Ирмос: В пла́мени о́гненне горя́щая пе́щи сохра́ншаго де́ти,/ и во зра́це а́нгела снизше́дшаго к ним, // по́йте Го́спода, и превозноси́те Его́ во ве́ки.

Хва́лим, благослови́м, покланя́емся Го́сподеви, пою́ще и превозно́сяще во вся ве́ки.

Катава́сия: Сей нарече́нный и святы́й день,/ Еди́н суббо́т Царь и Госпо́дь,/ пра́здников пра́здник/ и торже́ство есть торже́ств, // во́ньже благослови́м Христа́ во ве́ки.

На 9-й песни «Честнейшую» не поем. (Совершается обычное каждение).²

Песнь 9:

Ирмос: Тебѣ свѣтлую свещу, и Матѣрь Божію, / пречудную славу, и вышшую всех тварей, // пѣсньми величаем.

Катавасія: Светіся, светіся, / нѡвый Иерусалиме: / слава бо Господня / на тебѣ возсія. / Ликуй ныне / и веселіся, Сионе. / Ты же, Чистая, красуйся, Богородице, // о востаніи Рождества Твоего.

По 9-й песни – «Свят Господь Бог наш» глас 1-й.

НА ХВАЛИТЕХ, ГЛАС 1:

Всякое дыханіе да хвалит Господа. / Хвалите Господа с небес, / хвалите Его в вышних. // Тебѣ подобает песнь Богу.

Хвалите Его вси ангели Его, / хвалите Его вся силы Его. // Тебѣ подобает песнь Богу.

1. Стих: Хвалите Его на силах Его, / хвалите Его по множеству величества Его.

По еже из гроба Твоем страшном, Жизнодавче, востаніи, / якоже печатей не разрушил еси, Христе, гробных, / тако заключенным дверем вшел еси к преславным апостолом Твоим, / радостотвори их, и Правый Твой Дух подай им, // за безмерную Твою милость.

2. Стих: Хвалите Его во гласе трубнем, / хвалите Его во псалтири и гуслах.

По еже из гроба Твоем страшном, Жизнодавче, востаніи, / якоже печатей не разрушил еси, Христе, гробных, / тако заключенным дверем вшел еси к преславным апостолом

² Во все Недели (т. е. воскресенья) до отдания Пасхи на воскресной утрени «Честнейшую» не поется. Каждение храма на 9-й песни канона совершается.

Твоим, / радостотворя их, и Правый Твой Дух подай им, // за безмерную Твою милость.

3. Стих: Хвалите Его в тимпанах и лице, / хвалите Его во струнах и органе.

Фома иже и Близнец не бе пришел, / егда Ты учеником явился еси, Господи. / Темже не верова Твоему Воскресению, / и видевшим Тя вопияше: / аще не вложу перста в ребра Его и гвоздей язвы, // не верую, яко востал еси.

4. Стих: Хвалите Его в кимвалах dobroglasnykh, хвалите Его в кимвалах восклицания. / Всякое дыхание да хвалит Господа.

Якоже хощеши, осяжи, Христос Фоме вопияше: / вложи руку, и познай Мя кости имуща и земное тело, / и не буди неверен, равно же со иными уверися. / Он же возопи: / Бог мой и Господь Ты еси, // слава востанию Твоему.

Слава, глас 6:

По днех осмих востания Твоего, Иисусе Царю, / единородный Слово Отчий / явился еси учеником Твоим, заключенным дверем, / мир Твой подай, / и неверующему ученику знамения показал еси: / прииди и осяжи руке и ноге, и нетленная Моя ребра. / Он же веровав, вопияше Тебе: // Господь мой и Бог мой, слава Тебе.

И ныне, глас 2: Препоблагословенна:

По Славословию: Тропарь Антипасхи, глас 7:

Запечатану гробу, / Живот от гроба возсиял еси, Христэ Бже, / и дверем заключенным, / учеником предстал еси, / всех Воскресение, / дух правый теми обновляя нам, // по велицей Твоей милости.

По отпусте: Стихи́ра Евáнгельская пёрвая, глас 1:

На го́ру ученико́м идúщим, за земно́е Вознесéние,/ предста́
Госпо́дь: и поклонíвшеся Ему́,/ и да́нныя вла́сти вездé нау-
чи́вшеся,/ в поднебе́сную посыла́хуся,/ проповéдати е́же из
ме́ртвых Воскресéние,/ и е́же на небеса́ возше́ствие./ Имже и
во ве́ки спребывáти нелóжный обеща́ся Христóс Бог, // и Спас
душ на́ших.

НА ПЕРВОМ ЧАСЕ: КОНДАК, ГЛАС VIII:

Любопы́тною десни́цею/ жизнoпoдáтeльнaя Твoя́ рéбра Фoмá
испытá, Христé Бóже,/ созaклюдéнным бо двéрем я́ко вшел
еси́,/ с прóчими апóстолы вопия́ше Тебé:// Госпо́дь еси́ и Бог мой.

НА ЛИТУРГИИ: ПО ВХОДЕ:**Тропа́рь Антипа́схи, глас 7:**

Запечáтану грóбу,/ Живóт от грóба возсия́л еси́, Христé Бóже,/ и двéрем заклюдéнным,/ ученико́м предста́л еси́,/ всех Воскре-
сéние,/ дух пра́вый те́ми обновля́я нам, // по вели́цей Твоéй
ми́лости.

Слава и ныне, кондак Антипа́схи, глас 8:

Любопы́тною десни́цею/ жизнoпoдáтeльнaя Твoя́ рéбра Фoмá
испытá, Христé Бóже,/ созaклюдéнным бо двéрем я́ко вшел
еси́,/ с прóчими апóстолы вопия́ше Тебé:// Госпо́дь еси́ и Бог
мой.

Прокíмен, глас 3: Вéлий Госпо́дь наш, и вéлия крéпость Его́,/ и
ра́зума Его́ несть числа́.

Задосто́йник Па́схи:

Прича́стен Пятидeся́тницы: Похвали́ Иерусали́ме Го́спода,/ хвали́
Бо́га твоего́ Сиóне.

После Причастия:

Иерей: Спаси Боже люди Твоя, и благослови достойное Твое.

Хор: Христос воскрес из мертвых,/ смертью смерть поправ// и сущим во гробех живот даровав. **(Единожды, протяжно)**

Иерей: Всегда ныне и присно, и во веки веков. **Хор:** Аминь. Да исполнятся уста наша: **Далее как обычно до возгласа:**

Иерей: Слава Тебе, Христе Боже, Упование наше, Слава Тебе.

Хор: Христос воскрес из мертвых,/ смертью смерть поправ// и сущим во гробех живот даровав. **(Трижды)**

Отпуст. Хор: Христос воскрес из мертвых,/ смертью смерть поправ// и сущим во гробех живот даровав. **(Трижды, поскорю)**

И нам дарова́/ живот вéчный,/ покланяемся Егó// тридневному Воскресéнию.

Первое воскресенье после Пасхи в церковном календаре носит название Антипасхи или Фоминого воскресенья. В народе этот день называется Красной горкой. Название Антипасха означает «вместо Пасхи» или «противоположный Пасхе» — но это не противопоставление, а обращение к прошедшему празднику, повторение его на восьмой день после Пасхи.

С древних времен окончание Светлой Седмицы празднуется особо, составляя собой как бы замену Пасхи. Также этот день называют Фоминой неделей, в воспоминание о чуде уверения апостола Фомы.

Крестная смерть Христа произвела на апостола Фому невероятно удручающее впечатление: он словно утвердился в убеждении, что утрата Его невозвратна. На уверения учеников о воскресении Христа он отвечает: «Если не увижу на руках Его ран от гвоздей и не вложу руки моей в ребра Его, не поверю» (Ин. 20, 25).

На восьмой день после Воскресения Господь явился апостолу Фоме и, свидетельствуя о том, что был с учениками все время по воскресении, не стал ждать вопросов Фомы, показав ему Свои раны, ответив на его невысказанную просьбу. В Евангелии не говорится, осязал ли действительно Фома язвы Господа, но так вера возгорелась в нем ярким пламенем, и он воскликнул: «Господь мой и Бог мой!». Этими словами Фома исповедал не только веру в Воскресение Христово, но и веру в Его Божество.

По Церковному Преданию, святой апостол Фома основал христианские Церкви в Палестине, Месопотамии, Парфии, Эфиопии и Индии, запечатлев проповедь Евангелия мученической смертью. За обращение ко Христу сына и супруги правителя индийского города Мелиапора (Мелпура) он был заключен в темницу, претерпел пытки и, наконец, пронзенный пятью копьями, отошел ко Господу.

Начиная с Фоминого воскресенья в Православной Церкви после длительного великопостного перерыва возобновляется совершение таинства венчания. На Руси именно на этот день, Красную горку, приходилось больше всего свадеб, устраивались гуляния, сватовства.